

Decorative gold-leaf border  
Faint illegible text

17





fehlt

1 Martini Lutheri Vordigt  
von S. Johanne.

2.00 ejusdem, Mandat Jesu.

fehlt

ejusdem, Vordigt von dem  
gehofft und proceßion in  
der Crantzendorf.

4.00 ejusdem, Vordigt gegen die Antinomier


ejusdem, wider den Bischoff zu  
Magdeburg

6. Gren: voll Lösung aus Luth: Schriften  
vom untarffid gott in und  
der tauffel und in  
mussen.

7. Wilf. Sarcenius von der Solsünde.
8. Job Synodi von Bard in yomman  
Orkändtaub von der Solsünde.
9. Mart. Luthers zwayßes Epita-  
phium für sein kocher  
Magdalene.
10. ejusdem, antwort von Iou-  
turen.
11. Joh. Rörler Symbolum Athanasij
12. formula precandi
13. Joh. yfftinger büßbü

er





4  
Erklärung

Aus D. Luthers Schriften.

Was für ein vnter=  
scheid sey/ zwischen Gottes vnd  
des Teuffels werck im  
Menschen.

M. Cristophorus Irenæus.

1. Johannis 3.

Der Son Gottes ist erschienen/ das er  
des Teuffels werck zerstöre.

Anno 1573.

*D. Johann ... Kaufmann ...*

Collegium

Ein 2. August 1711

Sehr geehrte Herren

Ich habe die Ehre zu empfangen  
das Schreiben vom 27. d. d. d.  
und danke Ihnen sehr  
für die Bemerkung.

H. Christophorus

1711

Der Herr Gott sei mit Ihnen  
alles Gutes und Segens.

Christus I 2 7 2

*[Faint handwritten signature]*





**D**er Heilige Geist bezeuget durch  
Mosen/ das der Mensch anfänglich von  
Gott dem HERRN/ zu Gottes Bild/ das  
ist/ heilig vnd gerecht an Leib vnd Seele  
geschaffen sey/ (wie es der Man Gottes  
D. Luther/ in der auslegung des 15. Capis-  
tels Johannis/ erkläret) der von Natur  
from gewesen/ da kam der Teuffel/ spricht Lutherus/ bracht dem  
heiligen/ gerechten fromen/ Menschen in vngheorsam/ verders  
bte im die schöne/ frome Seele vnd reinen Leib/ 2c. Also sind  
wir durch in alle/ das wir von Natur Gott nicht mehr kennen/  
die Vernunfft ist verblendet/ der wille ist abgewendet.

Item in der Hauspostill/ am 12. Sontag Trinitatis/  
2c. redet Lutherus gründlich vnd eigentlich dauon/ in erklerung  
des Spruchs/ Der Son Gottes ist darumb erschienen/ das er  
des Teuffels werck zerstöre/ in dem er spricht: Weil der Teuffel  
ins Paradeis darumb komen ist/ das er vnserm Herrn Gott  
sein werck zu brechen/ vnd aus dem heiligen fromen Menschen  
Adam vnd Eua/ vngheorsam böse Menschen machen wolt/  
das hat nit Gott wöllen leiden/ sondern gedacht/ wie er sich an  
seinem Feinde rechen/ machts derhalben wider ganz vnd bes-  
ser/ was der Teuffel zubrochen hat/ zerbricht dem Teuffel auch  
sein werck/ die Sünde/ den Todt vnd die Hell. Auch wie wir hie  
sehen/ macht Christus die Zunge wider loß/ die der Teuffel ges-  
bunden hat/ vnd thut die Ohren auff/ die der Teuffel verstopffe  
hatte/ Dis werck auszurichten ist Christus komen/ vnd treibets  
für vnd für/ vnter seinen Christen/ 2c.

Aus diesem hellen/ klaren vnd deutlichsten zeugnissen  
Lutheri/ kan man nachrichtung haben/ was für ein vnterscheid  
zwischen Gottes vnd des Teuffels werck sey/ darin sich etliche  
nicht richten noch schicken können/ etliche auch wol ander s/ den  
sichs gebüret/ dauon halten vnd reden.      A      2      Gots

Gottes werck ist die heilige gerechte/ frome/ gute/ gehorsame vnd vnsterbliche Natur des Menschen/ wie sie von Gott zu seinem Bild anfänglich geschaffen.

Des Teuffels werck aber ist/ nicht das er den guten heiligen/ gerechten/ lebendigen Menschen in nihilum redigirt vnd ausgetilget hette/ also vnd dergestalt/ das er ganz vnd gar verschwunden/ vntergangen vnd zu nichts/ negatiue worden were/ vnd der Teuffel dagegen ein andere böse Menschliche Natur an der ausgetilgeten stat geschaffen: Nein/ keines wegs/ niemand vnter vns leret das vnd also/ wie vns etliche damit zur vnbilligkeit mit vngrund beschweren vnd verunglimpffen/ als solte solches vnser meinung sein/ denn der Teuffel kan nichts schaffen/ auch nicht ein Laus/ Floch/ Kröte/ vnd wens noch geringer/ schedlicher vnd schendlicher were. Sondern dis ist des Teuffels werck/ das er/ wie Lutherus redet/ Gottes werck verstorben/ zerbrochen/ zerstöret vnd aus dem heiligen/ gerechten/ fromen/ gehorsamen Menschen/ der Gottes Bild in dem sal gewesen/ einen bösen vngerechten vnd vngehorsamen Menschen/ das er ein Teuffelstarue würde gemacht/ oder wie in vorigen zeugnissen Lutheri angezogen/ hat er dem Menschen die schöne/ frome Sele vnd reinen Leib verderbt. Oder wie Lutherus in der Hauspostill am Christage redet/ der Teuffel hat den Menschen in die Sünde gesteckt/ geschendet vnd erwürget/ in Gottes zorn vnd ewiges vrtheil geworffen/ zc.

Item/ Er hat dem Menschen die Zunge verbunden/ die Ohren verstopfft/ die augen verblindet/ zc.

Derhalben vnterscheidet man nu in der Christlichen Kirchen/ Gottes vnd des Teuffels werck also: Die geschaffene/ heilige/ gerechte/ dem Gesetz gleichformige/ vnstrefliche/ lebendige vnd vnsterbliche Natur des Menschen/ oder das gleich so viel ist/ vnd in einem verstand geredt wird/ die schaffung der gerechte



rechten Menschlichen Natur/ist Gottes Werck/ Das ist/ Gott hat sie anfänglich also geschaffen/ vnd dagegen die verderbte/ verkerete/ zerstörte/ Sündige/ vngerechte/ dem Gesetz vngleichformige/ ermordete Menschliche Natur/ oder das gleich so viel ist/ die verderbung/ verkerung vnd ermordung der Menschen Natur/ (so einmal im Paradies an Adam/ Eva/ vnd dem ganzen Menschen Geschlecht/ welchs in Adams lenden damals gewesen/ vnd von Adam seinen vrsprung hat vnd herkompt/ Actor: 17. Denn in Adam sind wir alle einmal verderbt/ zerstört vnd ermordet) ist vnd heist eigentlich des Teuffels werck/ das ist/ der Teuffel hat die gute/ heilige/ gerechte/ gehorsame/ vnsterbliche Natur des Menschen/ so Gottes wercke vnd geschöpff ist/ einmal verderbt/ verkeret/ zerstört/ ermordet/ vnd also als ein Lügner vnd Mörder zugericht/ das sie ein Sündige/ vngerechte/ dem Gesetz vngleichformige/ Gott widerstrebendige/ sterbliche Natur/ ja ein Teuffelslarue worden ist. Hiezmit wird keines wegs gemeinet/ der Teuffel habe Menschliche Natur also geschaffen/ denn der Teuffel (das wir das gewisse Theologische vnd in der heiligen Schrift befestigte Axioma/ vnd Gewissen grund hie abermal widerholen kan/) Nichts/ nichts/ Hörestu abermal nichts schaffen. Er kan aber wol als ein Lügen vnd Mordgeist aus Gottes verhengnis vnd gerechter straff/ das/ so von Gott gut vnd lebendig geschaffen/ verderben/ zerbrechen/ zerstören vnd ermorden.

Vnd wie die zwo Phrases vnd reden/ als die geschaffene/ heilige/ gerechte Menschliche Natur/ oder die schaffung der heiligen/ gerechten Menschlichen Natur ist vnd heist ein werck Gottes/ eines lauts vnd verstand sind: Also sind dagegen diese zwo Phrases vnd Reden auch eines lauts vnd verstands/ als die zerstörte/ ermordete Menschliche Natur/ oder die zerstörung vnd ermordung Menschlicher Natur ist vnd heist ein werck des

Teuffels.

Teuffels. Gleich wie ein herrlich gebew oder vberaus schöne Taffel/ eines Kunstreichen Meisters werck ist vnd heist/ vnd dagegen eines bösen/ mutwilligen Bubsens werck ist vnd heist/ der das herrlich Gebew oder vberaus schöne Taffel/ so vom Kunstreichen meister zu vnd auffgericht ist/ zerschmeist/ zerstört vnd zerbricht vber einen hauffen wirfft/ oder sonst schendlich zuricht.

Das man in einem verstand sagt/ das herrliche/ zugerichte gebew/ die schöne gemachte Taffel oder das gleich so viel ist/ die zurichtung des herrlichen gebew vnd machung der schönen Taffel/ ist des Kunstreichen Meisters werck vnd arbeit.

Vnd dagegen auch in einem verstand gesagt wird. Das zerstörte/ vnd in ein hauffen geworffen herrliche gebew/ die zuschmiessene/ zubrochene vnd vbel zugerichte schöne Taffel/ oder das gleich so viel ist/ die zerstörung vnd vber einen hauffen werffung des herrlichen gebew/ die zubrechung vnd vbel zurichtung oder schendung der Taffel/ ist des bösen mutwilligen Bubsens wercke oder arbeit.

Also reden vnd verstehen wir mit vnserm lieben Venerando præceptore Luthero, das der Teuffel ein zubrecher/ zerstörer vnd mörder/ vnd keines wegs ein schöpffer des Menschen oder Menschlicher Natur ist/ Vnd in dem verstand wird auch zu weilen von etlichen einfeltiger meinung gesagt/ die verderbte Natur kompt vom Teuffel her/ nicht das sie der Teuffel also geschaffen hat/ sondern das der Teuffel die von Gott/ gute/ heilige/ anfänglich erschaffene Menschliche Natur verderbt/ zerstört vnd ermordet hat. Als wenn einer fragt/ wo kommet der arme/ beraubte/ verwundte vnd halb todte Mensch her/ Luc: 10. So antwortet ein einfeltiger darauff. Er kompt von den Strassenreubern vnd Mördern her/ damit meinet er nicht/ gibt auch keines wegs damit zu verstehen/ das  
die

die Strassenreuber/ den beraubten/ verwundten/ halb todten  
Menschen/ so geschaffen/ sondern also jemerlich beraubt/ vnd  
bis auff den todt verwundet haben/ 2c. Wie es auch sonst die  
gemeine Mutter vnd Haus Sprach gibt/ wenn ein Vatter die  
Kinder fragt/ wo kompt das zu brochen Glas her/ das redet er  
der meinung vnd in dem verstande/ wer hat das Glas zubroch  
en. So wird geantwortet/ der vnd der hats zubrochen/ 2c. oder  
das zubrochen Glas ist Hensleins/ Bretleins/ (oder wie nu  
das Kind/ so das Glas zubrochen/ mag heissen) werck oder ar  
beit. Dergleichen redet auch fast Lutherus in einer Predigt von  
vnsrer Heiligen Lauff also: Wir wissen/ das wir alle in Sün  
den geboren sind/ zum todt verurteilt/ vnd ewiglich vnter Gots  
tes zorn/ vom ersten Menschen bis zum letzten: Wo komet nu  
solches her: Das hat der Teuffel/ spricht Lutherus/ angerich  
tet/ vnd vber das ganze Menschliche geschlecht gefüret. Ja der  
HERR Christus selbs redet also Johan: 8. Ir send von dem  
Vater dem Teuffel/ das redet der HERR Christus warlich  
nicht der meinung vnd in dem verstand/ gleich als solt der Teuf  
fel die Jüden vnd andere Menschen geschaffen haben/ Sona  
dern das der Teuffel sie so verkeret/ verblendet vnd verstockt  
hat/ das sie nach art vnd getrieb des Teuffels/ Christum vnd  
sein Wort lestern/ schenden vnd verfolgen/ darumb er sie Teuf  
felskinder/ vnd den Teuffel iren Vater nent/ wie auch S. Jo  
hannes sagt/ Wer Sünde thut/ der ist von dem Teuffel/ 2c.  
Hieher gehört auch das D. Luther mit Christo in der Haus  
postil sagt: Wer Gottes Wort nicht höret/ der ist nicht von  
Gott/ sondern vom Teuffel. Solches sol aber nicht also ver  
standen werden/ als hette der Teuffel die/ so Gottes wort nicht  
hören geschaffen/ inen Mund/ augen/ vernunfft/ 2c. gegeben.  
Nein: solches alles ist Gottes geschepff vnd gabe. Wenn man  
auch sagt/ Sünde vnd Todt sind des Teuffels werck/ so vers  
tehe

steht man durch das wort Sünde/ alda nicht/ das der Teuffel  
positium venenum, oder wesentliche giffe in Menschen  
geschmissen oder im sonst einen vnflut eingeschut/ oder etwa  
ein ander Accidens beygebracht/ welches zu der Natur des mens  
schen/ als was anders/ besonders/ vnterschiedenes von der Nas  
tur oder den die Natur ist/ komen/ vnd wider aus vnd von der  
Natur sol gefeget/ gesondert/ separirt vnd gescheiden werden/  
wie die Accidens Herrn/ da hinaus hotten/ vnd der meinung  
also dauon reden. Man versteht auch nicht allein durch das  
wort Sünde/ die wirkliche Sünde/ vnd den ersten vngehors  
sam vnd fall Adæ/ sondern fürnemlich vnd zuförderst/ die ver  
derbte/ verkerte/ zerstörte vnd Geistlich ermordete Natur des  
Menschen/ wie sie/ nach dem sie anfänglich von Gott gut/ ges  
recht vnd lebendig erschaffen/ vom Teuffel durch sein Seelen  
Giffe/ das ist/ Lügenwort/ verderbet/ verkeret/ zerstört vnd er  
mordet ist/ welche nu nach dem fall ein heuptquel/ ein stettiger  
quellender/ fließender Brun/ vrsprung vnd theterin aller ans  
dern wirklichen Sünden/ als böser affecten/ begirden/ gedank  
cken/ Worten vnd wercken/ so wider Gottes Gebot sind/ ist.

Nu ist Christus/ Gottes Son darumb erschienen/  
Mensch worden/ gelidten/ gestorben/ wider auffstanden/ gen  
Himmel gefaren/ das er dem Teuffel sein wercke widerumb zers  
störe/ vnd sein eigen werck wider anrichte vnd zu recht bringe/  
das ist/ das er die vom Teuffel verderbte/ vngerechte/ dem Ges  
sez widerspenstige/ verkerte/ zerstörte vnd ermordete Mensch  
liche Natur vnd Wesen in integrum restituire vñ widerumb  
auffrichte/ vnd allerding zu recht bringe/ das ist/ widerumb  
gut/ gerecht/ heilig/ dem Gesetz gleichformig/ Gott gefellig/  
Geistlich/ lebendig vnd gehorsam mache/ das sie widerumb/  
wie vor dem fall/ ehe sie vom Teuffel verderbt vnd verkert ist  
worden/ ein vrsprung/ Quelbrun vnd theterin aller guten  
Qualis

Qualiteten/affecten/begirden/gedancken/worten vnd wercken  
sey/welchs hie in diesem Leben geschicht/ imputatione, aus  
zurechnung des HERN Christi gerechtigkeit durch den Glaus  
ben/ also das vns gleubigen Gott für gerecht helt vnd scheidt/ in  
vnd vmb seines geliebten Sons vnsers Mittlers/ erlösers vnd  
Bruders Christi willen/ der ein volkomener/ gerechter Mens  
sche an Leib vnd Seel gewesen/ vnd einen volstendigen gehors  
sam Gott geleistet/ vnd das Gesez aller ding vns zu gut erfül  
let/ auch für unsere Sünde am stamme des Creuz gestorben/  
bezaleet vnd gnug gethan/ vnd vns bey Gott dem Vater aus  
gesönet hat.

Wenn wir nu im Glauben für Gott vmb Christi wils  
len/ oder durch zurechnung des HERN Christi gerechtigkeit/  
gerecht sein/ so restituiret der HER Christus auch vnser Nas  
tur/darnach inchoatione, durch die widergeburt vñ vernewe  
rung/ in dem der heilige Geist vermittelst des Worts vnd Sas  
crament/ der Gleubigen vnd zu gnaden angenommenen Mens  
schen/Natur anfenglich vernewret/heiliget/ dem Gesez gleich  
formig vnd gehorsam machet/ bis in der algemeine aufferste  
hung/ der gleubigen vnd aufferwelten Leib vnd Seel/ die ganze  
Natur vnd Wesen totaliter, formaliter, essentialiter, rea  
liter, ganz vnd gar wesentlich vnd volkömlich/ durchaus gut/  
heilig/gerecht/ dem Gesez Gottes allerding gleichformig/ ges  
mes vnd ehnlich widerumb werden/ sein/ vñ ewig bleiben wird/  
Ja wird noch besser vnd Herrlicher sein/ denn Adams Natur  
für dem fall gewesen/ also das wir werden/ durch Christi almech  
tige Krafft vnd wirkung/ seinem verflerten Leib ehnlich wer  
den/ Philip: 3. Wie auch Lutherus bekennet vnd sagt: Chris  
tus machts widerumb ganz vnd besser/was der Teuffel zubros  
chen hat/ 2c.

Lutherus auch dahin in einem Sermon vom Reich  
B Christi

Christi sicket/ vnd sich weiter erkleret/ in dem er sagt: Gott hat wider des Teuffels schreckliche macht vnd verderben/ diesen vnsern König/vnsern HERN Christum verheissen vnd geschenkt/ vnd in Bethlehem nach der Propheten Wort/ geboren lassen werden/ Ein Herr nicht vber grosse Keyserthumb/ oder Königreich/ sondern vber Sünd/ Todt/ Teuffel vnd Helle/ der vns vons Teuffels Reich vnd gewlicher Tyranney/ errette/ in vntersich werffe vñ zutrete/ im alle macht vnd gewalt neme/ vnd seine (des Teuffels) werck/ Sünde vnd Todt in vns zubreche/ das wir von Sünden loß/ für Gott from vnd gerecht/ vnd aus dem Todt zum Leben gebracht/ inen mit frölichem hertzen ewig Loben vnd Preisen/ 2c. Vnd noch klerer redet Lutherus in der auslegung des 110. Psalms dauon.

Summa spricht er/ David oder viel mehr der Heilige Geist durch David zeuget/ das dieser König (Christus) gar auff ein andere weise regieren müsse/ vnd solch Reich anrichten/ Darin er diese ganze irige Natur neue vñ anders mache/ vnd allen den schaden wider bringe/ darin die Menschliche Natur gefallen ist/ deñ dieselbige durch den Erbsal so gar verderbt ist/ das sie nicht wil noch kan Gott gehorsam sein/ Wie S. Paulus Rom: 8. sagt/ Fleischlich (oder Natürlich) gesinnet sein/ ist eine feindschaft wider Gott.

Weil denn in dieser ganzen Menschlichen Natur vermögen nicht ist/ Gott gehorsam zu sein/ vnd Gott dennoch wil/ die Zehen Gebot vnd seinen gehorsam gehalten haben/ so mus er also drein greiffen/ Das die alte vngheorsame/ verderbte Natur/ verendert vnd neue werde/ vnd solche Hertzen/ mit vnd sinn schaffen/ die da williglich vnd mit Lust/ einen rechten vollkommen gehorsam Gott erzeigen/ 2c. Item in einer Predigt zu Thorga gethan/ sagt Lutherus in der auslegung des andern Artikels also: Wir sind nach der ersten Schöpfung gar verdorben/

vorben/ vnd umbbracht durch den leidigen Teuffel/ der vns be-  
trogen hat durch seine Lügen/ vnd die Göttliche Creatur gar zu  
nicht gemacht/ vnd dahin bracht/ das wir mussten von Gott  
verworffen/ ewig sterben vnd verderben/ denn was von Gott  
gescheiden ist/ das ist schon ewig verdorben vnd verloren/ dar-  
rumb glauben vnd bekennen wir in diesem Artickel/ das wir  
aus dem verderben vnd sterben widerbracht/ vnd wider geschaf-  
fen sind in ein ewig Leben/ dazu wir zuvor auch geschaffen wa-  
ren/ Aber durch Adams fal verloren haben/ vnd das das ge-  
schehen sey durch den lieben Son Ihesum Christum/ der für  
vns sein Blut vergossen/ vnd dem Vater darin gehorsam ge-  
west/ vnd vns geliebet hat/ das er vns aus der Hellen Rachen-  
vnd Teuffels gewalt erlösete/ vnd ins Himlische/ ewige Leben  
setzte/ zc. Aus solchen vnd dergleichen zeugnissen Lutheri/  
kanstu lieber Leser durch Gottes gnade verstehen/ was  
Gottes vnd was des Teuffels werck/ vnd was für  
ein vnterscheid darzwischen sey/ vnd wie  
Christus des Teuffels wercke  
zerstöre.

E N D E.



Faint, illegible text, likely bleed-through from the reverse side of the page. The text is arranged in several lines and is significantly faded.





153449  
AB: 153449

ULB Halle  
001 516 361


3



Sb.

10.





EIN  
SO  
MA  
17





4

Erflerung  
Aus D. Luthers Schrifften.  
**Was fur ein vnter-**  
scheid sey/ zwischen Gottes vnd  
des Teuffels werck im  
Menschen.

M. Cristophorus Irenxus.

1. Johannis 3.

Der Son Gottes ist erschienen/ das er  
des Teuffels werck zerstöre.

Anno 1573.

*D. Johann ...*

